



Inatsisartunut ilaasortaq Naaja Nathanielsen, Inuit Ataqatigiit
C/O Inatsisartut Allattoqarfia

Apeqquteqaammut § 37 nr. 215-imut akissut

Ulloq 28. oktober 2013-imi imaattunik Naalakkersuisunut apeqquteqarputit:

Apeqqut:

Kalaallit Nunaata inuisa nunap inoqqaavisut taagorneqarsinnaajunnaarnerarlugit Peqqissutsimut Attaveqarnermullu Naalakkersuisup paasinninnera Naalakkersuisut isumaqataaffigivaat?

Taamaassappat, taava qanga kalaallit nunap inoqqaavisut isigineqarunnaarpat.

Taamaassappat, taava tamanna inatsisitigut Kalaallit Nunaannut aammalu nunap inoqqaavisut nunat tamat akornanni ataatsimiittarfiini assigiinngitsuni peqataasarnitsinnut qanoq sunniteqassava?

Taamaassappat, taava apeqqut taanna pillugu danskit naalakkersuisui oqaloqatigineqarsimappat aammalu tamatuma qanoq sunniteqarnissaa nalorninaallisillugu oqaloqatigiissutigineqarpa?

Taamaassappat, taava ILO-p isumaqatigiissutaa nr. 169 aammalu nunat inoqqaavisa pisinnaatitaaffii pillugit Naalagaaffiit Peqatigiit nalunaarutaat Kalaallit Nunaannut soqutiginaataarullutillu pingaaruteqarunnaassappat.

Naalakkersuisut isumaqarunik taaguut nunap inoqqaavi Kalaallit Nunaata atorsinnaajunnaaraa taava tamanna pillugu nunap inui Naalakkersuisut kalerrilersaarpaat.

Naalagaaffiit innuttanut pisussaaffii tunngavigalugit inuiaat inuiaqatigiillu assigiinngissutaat Naalakkersuisut qanoq paasivaat?

Apeqqutigineqartunut 1-imiit 6-imut)

Naamik, kisianni eqqortuuvooq Namminersorneq pillugu inatsimmi kalaallit inuiaat inuttut inuit pisinnaatitaaffii pillugit paasinnittaatsimisut akuerisaanerit erseqqissarneqarmat.

Apeqqummut kingullermut)

Kalaallit danskillu namminersorneq pillugu isumaliqatigiissitaasa isumaliutissiissutaanni ilanngussaq 7, inuit pisinnaatitaaffii eqqarsaatigalugit kalaallit inuiaqatigiunersut, innersuussutigineqassaaq.

07-11-2013
Sags nr. 2013-091836
Dok. nr.

Postboks 1340
3900 Nuuk
Tlf. (+299) 34 50 00
Fax (+299) 32 93 98
E-mail: nap@nanoq.gl
www.naalakkersuisut.gl

Ilaatigut tassani allassimavoq, "inuaat tamat inatsisaannit isigalugu inuiannik oqartarnek paatsuugassaannngitsumik sunaassusilerneqarsimanngikkaluartok - ilaatigut kikkut inuiattut namminiussutsip innimiginissaanut tunngatillugu isigineqarsinnaanersut killiliinissamat ikorfartuutaasunik maleruagassiortoqarsinnaammat. Tamakkua inuiaqatigiinnut kalaallinut tunngatillugu atorpeqarpat Nunanut allanut ministereqarfiup isumaa malillugu ima naammatsigisunik immikkut ilisarnaateqarput inuaat kalaallit inuaat tamarmik inatsisaannut tunngatillugu inuiattut oqaatigineqarsinnaallutik". Kalaallit Nunaanni namminersoneq pillugu inatsimmi inuit nammineerlutik aalajangiisinnaanerat pillugu inuit pisinnaatitaaffiunik tunngaveqarneq aallaaviuvoq, ilaatigut Naalagaaffiit Peqatigiit isumaqatigiissutaanni artikel 1, immikkoortoq 2-mi oqaatigineqartoq ("inuit assigiimmik pisinnaatitaaffeqarnerat nammineerlutillu aalajangiisinnaanerat pillugit tunngaviusumik isummertarnermik ataqqinninnerusoq").

Namminersoneq pillugu inatsimmut aallaqqaasiussami innersuussutigineqarpoq inuiaqatigiit kalaallit inuit pisinnaatitaaffiinnut tunngatillugu inuusut nammineerlutik aalajangiisinnaasut. Ilaatigut erseqqissarneqarpoq inatsimmi tunngavigineqarmat Danmarkip Kalaallit Nunaatalu suleqatigiinneranni ataqpeqatigiinnerup naligiinnerullu siuarsarneqarnissaanik kissaateqarneq. Namminersoneq pillugu inatsimmissaaq imaattussaanerarneqarpoq kalaallit inuiaqatigiit Kalaallit Nunaata namminersulivikkumanera aalajangigassarigaat. Inuiaqatigiit kalaalli taamatut aalajangiissappata Kalaallit Nunaata taamaalilluni Kalaallit Nunaat tamatigut oqartussaaffigilissavaa.

"Naalagaaffik" imatut nassuiarneqakkajuttarpoq inunnut ataatsimoortunut naggueqatigiittut (inuaat, naggueqatigiinnermut tunngatillugu) taaguutitut aamma/imaluunniit ataatsimoorlutik oqaluttuarisaanikkut piorsarsimassutsikkullu tunngaveqarnerminnik upperinnittutut, allanut ataatsimoortunut nammineerlutik kinaassuseqarnerminnik pilersuisunik.

Taamatut paasinnittaaseq malillugu inuiaqatigiit kalaallit ataatsimoorlutik kinaassuseqarlutik naalagaaffiussapput. Taamaalillutik Naalakkersuisut paasinninnerat malillugu inuiaqatigiit kalaallit nunap inoqqaarai, ataatsimoorlutik kinaassuseqarlutik naalagaaffiusut inuillu pisinnaatitaaffiunik paasinnittarnermi nunap inoqqaaralugit aamma inuit pisinnaatitaaffiunik paasinnittarnermi inuiaqatigiullutik.

Inussiarnersumik inuulluaqquusillunga


Aleqa Hammond